

唐  
音  
統  
籤

丁籤七十七孟郊之四

唐音統籤卷三十七

五言古詩四

遠遊以下行旅

慈烏不遠飛孝子念先歸而我獨何事四時心有  
違江海戀空積波濤信來稀長為路傍食者盡家  
中衣別一作別劍不割物離人難作威遠行少僮僕  
驅使無是非為性玩好盡積愁心緒微始知時節  
駛受一作憂日非長輝

下第東南行

越風東南清楚日瀟湘明試逐伯鸞去還作靈均

行江離伴我泣海月投入驚失意容貌改畏途性命輕時間喪侶猿一時千愁并一作生

### 泛黃河

誰開崑崙源流出混沌河積雨飛作風驚龍噴為波湘瑟聰聰絃越賓客一作客鳴咽歌有恨不可洗虛此來經過

### 過分水嶺一作東嶺

山壯馬力短路行石齒中十步九舉蹙迴環失西東溪水變為兩懸崖陰濛濛客衣飄飄秋萸花零落風白日捨我沒征途忽然窮語亦忽然而窮

旅次洛城東水亭

水竹色相洗碧花動軒楹自然逍遙風蕩滌浮競  
情霜落葉聲噪景寒人語清我來招隱亭衣上塵  
暫輕

京山行

泉壑聚病馬流血不得行後路起夜色前山聞虎  
聲此時遊子心百尺風中旌

夢澤行

楚山爭蔽虧日月無全輝楚路饒迴惑旅人有作  
多迷歸騏驎思北首鷓鴣願南飛我懷京洛遊未

厭風塵衣

旅次湘沅有懷靈均

分拙多感激久遊遵長途經過湘水源懷古方跼  
蹢舊稱楚靈均此處殞忠軀側聆故老言遂得旌  
賢愚名參君子場行為小人儒駸文銜貞亮體物  
情崎嶇三黜有愠色即非賢哲模五十爵高秋謬  
膺從大夫胸襟積憂愁容髮復一作彫枯死為不  
吊鬼生作猜謗徒吟澤潔其身忠節寧見輸懷沙  
滅其性孝行焉能俱且聞善稱君一何善自殊且  
聞過稱已一何過不渝悠哉風土人角黍投川隅

相傳歷千祀哀悼延八區如今聖明朝養育無羈  
孤君子逸雍熙德化盈紛敷巾車徇前侶白日猶  
昆吾寄君臣子心戒此真良圖東野有詩云前死  
已久猶在咀嚼間  
未思且借子  
茅攻子盾耶

### 長安羈旅

聽樂別離中聲入幽腸晚淚滴楚瑟夜鬼逸吳  
鄉幾迴羈旅情夢覺殘燭光

### 長安旅情

盡說青雲路有足皆可至我馬亦四蹄出門似無  
地玉京十二樓幾倚青翠下有千來門何門薦

孤士

長安早春

旭日朱樓光東風不驚塵公子醉未起美人爭探  
春探春不為桑探春不為麥日日出西園祇望花  
柳色乃知田家春不入五侯宅

溧陽秋霽

晚雨曉猶在蕭寥激前階星々滿衰髻耿耿入秋  
懷舊識半零落前心驟相乖飽泉亦恐醉楊柳南  
如齋上客處華池下寮宅枯崖叩高占生物齟齬  
回雞諧

路病

病客無主人，艱哉求卧難。  
飛光赤道路，內入焦肺肝。  
欲飲井泉竭，欲醫囊用單。  
椎顛能幾日，壯志忽已殘。  
人子不言苦，歸書但云安。  
愁環在我腸，死轉終無端。

自商行謁復州盧使君虔

一身遠千山，遠作行路人。  
未遂東吳歸，暫出西京塵。  
仲宣荊州客，今余竟陵賓。  
往蹟雖不同，託意皆有因。  
商嶺莓苔滑，石坂上下頻。  
江漢沙泥潔，永日一作水白光景新。  
獨淚起殘夜，孤吟望初晨。  
驅馳竟何



事章句依深仁

商州客舍

商山風雪壯遊子衣裳單四望失道路百憂攢肺  
肝日短覺易老夜長知至寒淡流瀟湘絃調苦屈  
宋彈識聲今形易識意古所難聲意今詎辨一作竟誰辨  
高明鑒其端

初於洛中選

塵土日易沒驅馳力無餘青雲不我與白首方選  
書宦途事非遠抄者取自踈終然戀皇邑誓以結  
吾廬帝城富高門京路遠一作競勝居碧水走龍狀

蜿蜒遶庭除尋常異方客過此亦踟躕

靖安寄居

寄靜不寄華

一作譚

愛茲喘喘居渴飲濁清泉餓食

無名蔬敗葉

一作菜

不敢火補衣一寫書古云儉成

德今乃寔起予慙叟慙不足賢人賢有餘役生皆

促心竟誰舒萬馬踏風欄衆塵隨奔車高賓

盡不見大道夜方虛卧有洞庭夢坐無長安儲英

髦空駭耳烟火獨微如厚念悲傷性薄田憶親鋤

承

一作忙

世不出力冬竹背抽蘊外物莫相誘約心

誓從初碧芳既似水日咏歸歎

乙酉歲舍弟扶持歸義興莊居後獨止舍待

替人

誰言舊居止主人忽成客僮僕強與言相懼終脉  
脉出亦何所求入亦何所索飲食迷精麤衣裳失  
寬窄迴風卷閒簾新月生空壁士有百役身官無  
一姓宅大夫耻自飾衰髮從颰白蘭交早已謝榆  
景從相迫惟予心中鏡不語光歷々

同年春燕

以下燕集

少年三十士嘉會良在茲高歌搖春風醉舞擁花  
枝意蕩宛晚景喜凝芳菲時馬跡攢騷裊樂聲韻

參差視聽改舊趣物象含新姿紅雨花上滴綠烟  
柳際垂淹中講精義南皮獻清詞前賢與今人千  
載為一期明鑒有皎潔澄玉無磷緇永興沙泥別  
各整雲漢儀盛氣自中積英名日四馳塞鴻絕傳  
匹海月難等夷鬱折一作抑怨已盡親朋樂無涯幽  
蘅發空曲芳杜綿所思浮跡自聚散壯心誰別離  
願保金石志無令有奪移

### 招文士飲

曹劉不免死誰敢負年華文士莫辭酒詩人命屬  
花退之如放逐李白自矜夸萬古忽將似一朝同

嘆嗟何言天道正獨使地形斜南士愁多病北人  
悲去家梅芳已流管柳色未藏鵝相勸罷吟雪相  
從愁飲霞醒時不可過愁海浩無涯

夜集

好鳥無襟棲華堂有嘉攜琴樽互傾奏歌賦相和

一作倚

諧但嘉魚水合莫令雲雨乖一為鷗鷺彈再鼓壯  
士懷初景待誰晚新春逐一作還君來願言良友會

高駕不知迴

將見故人

故人季夏中及此百餘日無日不相思明鏡改形

色寧知仲冬時忽有相逢期振衣起躑躅頽鯁躍  
天池

謝李轉再到

等閑拜日晚夫妻猶相瘡况是賢人寃何必哭飛  
揚昨夜夢得到為君藏中腸會將常風烹血染布  
衣裳勞君又叩門詞句失尋常我不忍出廳血字  
濕土牆血字耿不滅我心懼惶惶會有鏗鏘夫見  
之日生先生光非等閑君其且安詳

汝州陸中丞席喜張從事至同賦十韻

汝水無濁波汝山饒奇石大賢為此郡佳士來如

積有客來白駒奉義樞所通清風蕩華館雅瑟泛  
瑤席芳醕靜無喧金樽光有滌縱情孰慮損聽論  
自招益願折若木枝却彼曜靈夕貴賤一相接憂  
悵忽轉易會合勿言輕別離古來惜請君駐征車  
良遇難再覩

汝州南潭陪陸中丞公燕

一雨百泉漲南潭夜來溪分明碧沙底寫出青天  
心遠客洞庭至因茲滌煩襟既登飛一作青雲舫願  
奏清風琴高岸立旗戟潛蛟失一作互浮沉威稜護  
斯沒魍魎逃所侵山態變初霽水聲流新音耳目

極晚聽瀑溪與嶽岑誰言柳太守空有白蘋吟

發一作頭

南陽公請東櫻桃亭子春宴

萬木皆未秀一株先含春此地獨何力我公布深  
仁霜葉日舒卷風枝遠埃塵初英濯紫霞飛雨流  
清津竄異出囂襟折芳積權忻文心茲為重俗尚  
安能珍碧玉粧粉比飛瓊穠艷均鴛鴦七十二花  
態併相新常恐遺秀志迨茲廣宴陳芳菲爭勝引  
歌詠竟良辰方知戲馬會永謝登龍賓

羅氏花下奉招陳侍御

眼在枝上春落地成埃塵不是風流者誰為攀折



人寧辭波浪濶莫道往來頻拾紫豈宜晚掇芳須  
及晨勞放賈生淚強起屈平身花下木無俗酒中  
別有神遊蜂不飲故戲蝶亦爭新萬物盡如此過  
時非所珍固云似  
百慮

春集越州皇甫秀才山亭

嘉賓

一作嘉誘  
一作嘉友

在何處置亭春山巔顧余寂寞者

謬側芳菲筵視曉日澄澈聲光坐連綿  
晴明馮峰

嶂翠浪多萍蘇何以逞高志為君吟秋天

一作  
秋篇

夜集汝州郡齋聽陸僧辯彈琴

康樂寵詞客清宵意無窮徵文北山

一作  
寒

外借月

南樓中千里愁併盡一樽歡暫同胡為憂楚琴一作  
瑟淅瀝起寒風

與二三友秋宵會話清上人院

何處山不幽此中情又別一僧敲一磬七子吟秋  
月激石泉韻清寄枝風嘯咽冷然諧境靜頓覺浮  
累滅扣寂兼探真通宵詎能輟

尋裴處士

涉水更登陸所向皆清真寒草不藏徑靈峰知有  
人悠哉鍊金客獨興烟霞親曾是欲輕舉誰言空  
隱淪遠心寄白月一作日華髮迴青春對此飲勝事

胡為勞我身

尋言上人

萬里莓苔地不見驅馳蹤  
唯開文字牕時寫日月  
客竹韻漫蕭肩草花徒纖一作蒙茸披霜入衆木獨

自識青松

夏日謁智遠禪師

吾師當幾祖說法云無空  
禪心三界外宴坐天地  
中院靜鬼神去身與草木  
同因知護王國滿鉢盛  
毒龍抖擻塵埃衣謁師見  
真宗何必千萬劫瞬息  
去焚籠盛夏火為日一堂  
十月風不得為弟子名

姓掛儒宮

訪嵩陽道士不遇

先生五兵遊文煥藏金鼎日下鶴過時人間空落  
影常言一粒藥不隨生死境何當列禦寇去問仙  
人請

題韋少保靜恭宅藏書洞

高意合天製自然狀無窮仙華凝四時玉蘚生數  
峰書秘漆文字匣藏金蛟龍閉為氣候肅開作雲  
雨濃洞隱諒非久巖夢誠必通將徵文士集貫就  
真珠叢

藍溪元居士草堂

市井不容義。歸山谷中夫。君宅松桂招我棲。蒙  
籠人朴情慮肅。境閑視聽空清。溪宛轉水修竹徘徊  
細風木倦採樵子土勞稼穡翁。讀書業雖異敦本  
志亦同。藍岸青漠漠。藍峰碧崇崇。日昏各命酒寒  
蛩鳴蕙叢。

題陸鴻漸上饒新開山舍

驚彼武陵狀。移歸此巖邊。開亭擬貯雲。鑿石先得  
泉。嘯竹引清吹。吟花成一作討新篇。乃知高潔清擺

落區中緣。

題從叔述靈巖山壁

換却世上心獨起山中情  
露衣涼且鮮雲策高復  
輕喜見夏日來變為松景清  
每將逍遙聽厭聽  
聲遠念塵末宗未疎席間名  
桂枝妄舉手諱路空  
勞生仰謝開淨絃相招時一鳴

遊城南韓氏莊

退之莊也

初疑瀟湘水鑲在朱門中  
時見水底月動搖池上

風一作有時池底清氣潤竹木  
白光連虛空浪簇

霄漢羽岸芳金碧叢  
何言數畝間環泛路不窮願

逐

一作常慕

神仙侶飄然

一作從茲

汗漫通

遊常七洞庭別業

洞庭如瀟湘，疊翠瀉浮碧。松桂無赤日，風物饒清  
激。道遙展幽韻，參差逗良覲。道勝不知疲，冥搜自  
無數。曠然青霞抱，永矣白雲遠。崆峒非凡鄉，蓬瀛  
在仙籍。無言從遠尚，還思君子識。一作茲為波濤  
漱古岸，鏗鏘辨竒石。靈響非外求，殊音自中積。人  
皆走煩濁，君能致虛寂。何以祛擾々，叩調清淅々。  
既懼豪華損，誓從詩書益。一舉獨徃姿，再搖飛遁  
跡。山溪有變異，意慙無驚惕。采翠奪日月，照耀迷  
晝夕。松齋何用掃，蘿院自然滌。業峻謝煩蕪，文高

追古昔暫違來門戀終立青史績物表易淹留人  
問重離祈難隨洞庭酌且醉橫塘席

陪侍御叔遊城南山墅

夜坐擁腫亭盡登崔巍岑日窺萬峰首月見雙泉  
心松氣清耳目竹氛碧衣襟竹想一作悲琅玕字數  
聽枯槁吟

題林校書花嚴寺書窓

隱詠不誇俗問禪徒淨居翻將白雲字一作寄向  
青蓮書擬古投松坐就明開紙疏昭昭一作綿南山  
景獨與心相如



蘇州崑山惠聚寺僧房

昨日到上方片雲挂

一作封

石牀錫杖莓苔青袈裟

松柏香晴磬無短韻古燈含水光有時乞鶴歸還

訪

一作放

逍遙場

生生亭

灘闊不妨語跨溪仍

一作正

置亭置亭嵒嶺頭開窓

納遙青遙青新画出三十六扇屏裊々立平地稜

稜浮高冥一日數開扉仙閱目不停徒誇遠方岫

蜀若中峰靈拔竟千餘丈浩言永堪銘浩言無愧

同愧同忍醜醒致之方有力力在君子聽

丁籤七十七孟郊之五

唐音統籤卷

三百五十八

五言古詩五

遊終南山 以下遊覽

南山塞天地日月石上生

劉云未知其下云高峰何即此有不客至

夜留景

太白峯西黃昏後見餘日

溪谷晝未明山中人自正路

險心亦平長風驅松柏聲拂萬壑清到此悔讀書

朝上近浮名

終南山下作

見此原野秀始知造化偏山材不假陰流水自一作

日兩田家家梯碧峯門門鎖青烟因思蛻骨入化

作飛桂仙

嵩少

沙彌舞袈裟走向躑躅飛閑步亦惺々芳援相依  
依噓塞春咽喉蜂蝶事光輝群嬉且已晚孤引將  
何歸流艷去不息朝英亦踈微

崢嶸嶺

疏鑿順高下結構橫炯霞坐嘯郡齋蒲玩奇石路  
斜古樹浮綠氣高門結朱華始見崢嶸狀仰止逾  
可嘉

爛柯石

仙界一日內人間千載窮變暮未徧局萬物皆為  
空樵客逕歸路斧柯爛從風唯餘石橋在猶自凌

丹虹

一作就有  
靈丹紅

遊石龍渦

自注四壁千  
仞散泉如雨

石龍不見形石兩如散星山下晴皎々山中陰冷

冷水飛林木杪珠綴莓苔屏蓄異物皆別當晨景

欲暝泉芳春氣碧松月寒色青陰力一作此獨壯

猛獸亦不停日暮且迴去浮心一作尚恨未寧

噴玉布

去塵咫尺步山笑康樂岩天開紫石屏泉縷明月

簾仙凝刻削跡靈綻雲霞織悅開若有待瞥見終  
無厭俗玩詎能近道嬉方可淹蹈著不死機欲歸  
多浮嫵古醉今忽醒今求古仍潛古今相共失語  
默西難恬贈君噴玉布一濯高漸

### 濟源春

太行橫偃春百里芳崔巍濟濱花異顏粉口雲如  
裁新畫彩色濕上界光影來深紅縷草木淺碧野  
沂洄千家門前飲一道傳襪杯玉鱗吞金鉤仙璇  
瑠璃開朴童茂言語善俗無驚猜狂吹寢恒宴曉  
清夢先迴治生鮮惰大積學多深材再遊詎願憊

一洗驚塵埃

遊枋口二首

一步復一步出行

一作行路

千里幽為取山水意故作

寂寞遊太行青巔高枋口碧照浮明、無底鏡泛

泛忘機鷗老逸不自限病狂不可周恣閒饒淡薄

怠玩多淹留芳物競晚晚綠稍桂新柔知友鸞相

逐言語之似稠

一作和友鸞亦以稠

始知萬類然靜躁

難相求

聳我殘病骨健如一仙人鏡中照千里鏡浪同百  
袖此神日月華不作尋常春三十夜皆明四時晝

恒新鳥聲盡依<sub>上</sub>歡心亦忻<sub>上</sub>澄幽出所怪閃異  
坐微細可來復可來此地靈相親

與王二十一員外涯遊枋口柳溪

萬株古柳根挈此磷<sub>上</sub>溪野榜多屈曲仙得無端  
倪春桃散紅烟寒竹含晚淒晚聽忽以異芳樹安  
能齊共疑落鏡中坐泛紅景低水意酒易醒浪情  
事非迷小儒峭章句大賢嘉提携潛竇韻靈瑟翠  
崖鳴玉珪主人援高翁德我芝朮畦鑿出幽隱瑞  
氣象皆昇躋曾是清樂抱逮茲我省溪宴位席蘭  
草濫觴驚鳧鷖靈味薦魴鱖金花屑橙醑江調擺

哀俗洛風遠塵泥徒言奏狂狷詎敢忘登歸

和皇甫判官遊瑯琊溪

山中瑯琊境物外瑯琊溪房廊逐巖壑道路隨高低  
碧瀨漱白石翠烟含青蜺客來暫遊踐意欲忘  
簪珥樹杪燈火夕雲端鐘梵齊時同雖可仰跡異  
難相携唯當清宵夢髣髴願一作攀躋一作攀

越中山水

日覺耳目勝我來山水州遠瀛若髣髴田一作野  
如泛浮碧嶂數千遶清泉一作萬餘流莫窮合沓  
步孰盡派別遊越水淨難汚越天陰易收氣鮮無



隱物目視遠更周舉俗一作族媚蔥蒨連冬擷芳柔  
菱湖有餘翠茗圃無荒疇賞異忽已遠探奇誠淹  
留永言終南色去矣銷人憂

姑蔑城

勁越既成土強吳亦為墟皇風一已被茲邑信乎  
居撫俗觀舊跡行春布新書興亡意何在綿數空  
時彌

浮石亭

曾是風雨力崔嵬漂來時落星夜皎潔近榜朝遙  
迤翠激通明滅清深瀉歆危况蓬蓬島仙會合良

在茲

峽哀十首

國云刻意于造  
名有複意複指

昔多相與笑今誰相與哀峽哀哭幽鬼

一作  
嗽

風吹來墮魄抱空月出沒難自裁壑粉一閃間春

濤百丈

一作  
尺

雷峽水聲不平碧沲牽清洄沙稜箭

箭滿

一作  
急

波齒斷

上

開呀彼無底呪待此不測災

谷那相噴激石怒爭旋迴古醉有復鄉今繆多為

能字孤徒琴瑟街雪猶驚猜蕩俗少直腸交結須

橫財黃金買相吊幽泣無餘淮我有古心意為君

空摧頹

上天下天水出地入地舟石劍相劈斫石波怒蛟  
虬花木疊宿春風懸凝古秋悲怪窟穴語飛聞  
響流沉哀日已深街訴將何求

三峽一線天三峽萬繩泉上刃碎日月一掣狂  
連破魂一兩點凝幽數百年映暉不停午峽險多  
巖涎樹根鎖枯棺孤骨裹懸樹枝哭霜棲哀韻  
香鮮逐客零落腸到此湯火煎性命如紡績道

路隨索緣莫淚

一作解

吊波靈波靈將悶然

峽亂鳴清磬

一作峽亂鳴清聲

產石為鮮鱗噴為腥兩涎

吹作黑井身怪光閃衆異餓劍唯待人老腸未曾

飽古齒嶄嵒嘖嘖齒三峽泉三峽聲斷

峽嶠

一作蛟

老解語百丈潭底聞毒波為計校飲血

養子孫既非臯陶吏空食沉獄

一作玉

魂潛怪何幽

此魄說後云云峽聽哀哭泉峽吊鰥寡猿峽聲非

人聲劍水相劈翻斯誰士諸謝奉此沉苦言

說人峽此心渴罪呀然潯所食無直腸所語饒泉

音名齒嚙百泉石風弔千琴幽哀莫能遠分雪何

由尋月鬼

一作鬼

高卓々峽窟

一作究

清沉々銜訴何

時明抱痛已不禁犀飛空波濤裂石千嶽岑

峽後前日月日月多摧輝物皆斜互生鳥亦斜互

飛潛石齒相鎖沉菟招莫歸恍惚清泉甲班爛碧  
石衣餓燕潺湲涕涎似泓法肥峽青不可遊腥草  
生微々

峽景滑易墮峽花怪非春紅光根潛涎碧雨飛沫  
津巴谷蛟螭心巴鄉魍魎親噉生不問賢至死獨  
養身腥語信者誰抑歌歎非真公田無異稼毒水  
多瘳鱗異類不可友峽哀々難伸

峽水劍戟瘳峽舟霹靂翔因依虺蜴手起坐風雨  
忙峽旅多竄官峽氓多非良滑心不可求滑習積  
已長溪々涎霧起斷々涎水光渴賢如之何忽在

水

一作中

央

巢鷓鴣作人語蛟虬吸山波能於白日間諳欲晴風  
和駭智蹶衆命蘊腥布溪蘿齒泉無底貧鋸涎在  
處多豈樹鳥不巢蹕猿相過峽哀不可聽峽怨  
其奈何

### 寒溪九首

霜洗水色盡寒溪見鐵鱗寺臨虛空鏡照此殘悴  
身潛滑不自隱霜底瑩更新露如君子懷曾是危  
陷人始明淺俗心夜結朝已津淨漱一掬碧遠消  
千慮塵始知泥步衆莫與山源隣

洛陽岸邊道孟氏莊前溪舟行索水折聲作青瑤  
嘶綠水結綠玉白波生白珪明上寶鏡中物上天  
照齊王步下危曲攀枯閨嬌啼霜芬一作稍消作  
索歌凝景微茫齊痴坐直視聰慙行失蠺溪岸童  
斷棘勞語言多悲悽

晚飲一杯酒踏雪過清溪波瀾凍為刀剗割見與  
驚宿羽皆翦棄血聲沉沙泥獨立歎何語默念心  
酸嘶凍血莫作春作春生不齊凍血莫作花作花  
發嬌啼曲上棘針羽凍死難耕犁

篙工破玉星一路隨迸螢朔凍哀澈底獮獮咏潛

鯉冰齒相磨嚙風音酸鐸鈴清悲不可逃洗出纖  
悉聰碧漱卷已盡彩縷飛飄零下躡滑不定上樓  
折難停哮喘呻啼冤仰訴何時寧

一曲一直水白龍何鱗々凍聽雜碎號壑音坑谷  
辛抓揃吃無力飛走更相仁猛弓一折弦餘喘爭  
來賓大嚴此之立小殺不復陳皎々何皎々氲々  
復氲々瑞晴刷日月高碧開星辰獨立兩脚雪孤  
吟千慮新天攙旋昭昭箕舌虛斷々堯聖不聰汝  
孔微亦有臣諫書竟成章古義終難陳  
同凍死得食殺風仍不休以兵為仁義仁義生刀



頭刀頭仁義腥君子不可求沒濶抽劍水相劈如  
仇讐尖雪入魚心魚心明愀々恍如魍魎說似訴  
割切由誰使異方氣入此中土流翦盡一月春閉  
為百谷幽仰懷新霽光下照疑憂愁

溪老哭甚寒涕泗水珊々飛苑走苑形雪裂紛心  
肝劍刃凍不割弓絃僵難彈常聞君子武不食天  
殺殘斮玉掩骼嵒吊瓊哀闌干

溪風擺餘凍溪景銜明春玉消花滴々虬解光鱗  
鱗懸步下清曲消期濯芳津千里冰裂處一勺暖  
亦仁凝精互相洗漪漣競將新忽如劍瘡盡初起

百戰身

石淙十首

巖谷不自勝水木幽奇多朔風入空曲湮流無大  
波迢遞徑難盡參差勢相羅雪霜有時洗塵土無  
由和潔冷誠未厭晚步將如何

出曲水未斷入山深更重冷若仙語皎多異  
容萬響不相雜四時皆有濃日月互分照雲霞各  
生峰久遠向方理逮茲聳前蹤

荒策每恣遠慙步難自迴已抱苔蘚疾一作痛尚凌

潺湲隈驛驤苦銜勒籠禽恨摧顏實力苟未足浮

誇信恣哉顧惟非時用靜言還自怡

朔水刀劍利秋石瓊瑤鮮魚龍氣不腥潭洞狀更

妍磴雪入呀谷掬星灑遙天聲忙迫一作不及韻勢

疾多斷連輸去雖有恨躁一作氣一何顛蹺挺相

纏掣聲確亦迴旋黑草濯鐵髮白苔浮冰錢具一作

其生此云遙非德不可甄何況被犀士制之空以

權始知靜剛猛文教從來先

空谷聳視聽幽端澤心靈疾流脫鱗甲疊岸衝風

霆丹岬墮環景霽波灼一作虛形淙一應厚軸稜

稜攢高冥弱稜跨旋碧危梯倚凝青飄一鶴骨仙

飛動鰲背庭

亭一作

常聞誇大言下顧皆細碎

百尺明鏡流千曲寒星飛為君洗故物有色如新

衣不飲泥土污但飲雪霜饒

一作

石稜玉纖上草

色瓊霏上谷磴有餘力溪春亦多機從來一智萌

能使衆利歸因之山水中喧然論是非

入溪得奇趣昇險為良躋瘦勝有聞見逃俗無蹤

蹊穴流恣迴轉數景忘東西慙歎鮮猜懼羅人巧

置第幽馳異處所忍慮多端倪虛獲我何飽實歸

彼非迷斯文浪云潔此旨誰得齊

屑珠瀉潺湲裂玉何威瓌若調千琴絃未果一曲

諧古駭毛髮慄陰驚視聽垂二一作上老皆勁骨風

趨緣歎崖地遠有餘一作遺美我遊採一作奇懷乘

時幸勤登前恨多幽靈弱力謝剛健蹇策貴安排

始知隨事靜何必當夕齋

昔浮南渡颺今攀朔山景物色多瘦削吟咲還孤

永日月陳有稜雪霜空無影玉噴不生冰璫渦旋

成井潛角時聳光隱鱗乍漂罔再吟獲新勝迺步

失前省惟懷雖已多惕慮未能整顏陽落何處昇

魄銜跡嶺

聖朝搜岩谷此地多遺玩急情成遠遊頑疎恣靈

一作觀勁颭刷幽視怒水懾餘湍一作惴曾是結芳  
一作誠遠茲勉流倦永條聳危慮霜翠瑩遐盼物  
誘信多端荒尋諒難遍去矣朔之隅儵然楚之甸

遊終南龍池寺

飛鳥不到處僧房終南巔龍在水長碧兩開山更  
鮮步出白日上坐依清溪遶地寒松桂短石險道  
路一作磴一作一作磴偏晚磬送歸客數聲落遙天

遊幸山雲臺觀

華嶽獨靈異草木恒新鮮山盡五色石水無一色  
衆仙酒不醉人仙芝皆延年夜聞明星館時韻女

蘿絃故茲不能寐焚栢吟道篇

與王二十一員外涯遊昭成寺

各友寂々約省騎霏々塵遊僧步晚磬話茗含芳

春

一作苗

瑤策冰入手粉壁畫瑩神頽廊芙蓉霽碧

殿瑤瑤津

一作日

玄講島

一作海

嶽盡淵詠文字新屢

笑寒竹讌况接青雲賓顧慙餘眷下哀療嬰殘身

上昭成閣不得於從姪僧悟空院嘆嗟

欲上千級

一作尺

閣問天三四言未盡數十登心目

風浪翻手把驚魄脚々踏墜魂却流至舊手傍

掣猶欲奔老病但自悲古壺木萬痕老力安可誇

秋海萍一根孤叟何所歸  
盡眼如黃昏常恐失好  
步入彼市井門結僧為  
親情策竹為子孫此誠  
徒切切以意空存存一  
寸地上語高天何由聞

西上經靈寶觀

自注觀即尸  
真人福宅

道士無白髮語音

一作言

靈泉清青松多壽色白石

恒夜明放步霽霞起振衣華風生真文秘中頂寶  
氣浮四極一片古關路萬里今人行上仙不可見  
孤策徒西征

憩淮上觀公法堂

動覺日月短靜知時歲長  
自悲道路人暫宿空閑



堂孤燭護清晝紗中斂輝光高僧積素行事外無  
剛強我有巖下桂願為爐中香不惜青翠姿為師  
揚芬芳淮水色不污汴流徒渾黃且將瑤瑤意淨  
綴芙蓉章明日還獨行羈愁來舊腸

湘靈祠

一作湘妃怨  
這是詞許怨不合

南巡竟不返二妃怨一作怨逾積萬里喪蛾眉瀟湘  
水空碧冥々荒山下古廟收貞魄喬木溪青春清  
光滿一作尚瑤席寒芳徒有薦靈意殊脉々玉珮不  
可親徘徊烟波夕

和令狐侍郎郭郎中題項羽廟

碧草凌古廟清塵鎖秋牕當時獨宰割猛志誰能  
降鼓氣雷作敵劍光電為雙新悲徒自起撫恨作  
懷空浮江

丁籤七十七孟郊之六

唐音統籤卷

三  
百  
五  
十  
九

五言古詩六

奉報翰林張舍人見遺之詩

以下酬答

百蟲哭秋律清別月夜聞曉稜視聽微風蕪葉已  
紛君子鑒大雅老人非俊群收拾古所棄俛仰補  
空文孤韻耻春俗餘響逸零零自然蹈終南滌暑  
凌寒氛巖巖不知年礪漸鎮舍睡曾是醒古醉所  
以多隱淪江調樂之遠溪謠生徒新衆蘊有餘採  
寒泉空哀呻南謝竟莫至北宋當時珍顯靈各自  
異酌酒一作聖誰能均昔詠多寫諷今詞詎無回品

松何高翠宮殿沒荒榛苔趾識宏製沙漲游崩津  
忽吟陶淵明狀即羲皇人心放出天地形拘在風  
塵前賢素行階夙嗜青山勤達士立明鏡朗言為  
近臣將期律萬有頃倒甄無垠驚驚應蟋蟀絲毫  
意皆申況於三千章哀叩不為神

答郭郎中

松栢死不變千年色青々志士貧更堅守道無異  
營每彈瀟湘瑟獨抱風波聲中有失意吟和者淚  
滿纓何以報知者永存堅與貞

答盧虔故園見寄

訪舊無一人獨歸清雒春  
花間哭聲宛水見別客  
新亂後故鄉宅多為行路塵  
因悲楚左右謗玉不知珉

酬李侍御書記秋夕雨中病假見寄

秋風遶衰柳遠客聞雨聲  
重茲阻良夕孤坐唯積  
誠果枉移疾詠中含嘉慮  
明洗滌煩濁盡視聰昭  
曠生未覺衾枕倦久為章奏嬰達人  
不寶一作藥保  
所保在閑情

同從叔簡酬盧殷少府

梅尉吟楚聲竹風為淒清  
溪虛冰在性萬縈雲入

情借水洗開貌寄蕉書逸名羞將片石文闢此雙  
瓊英

汝墳蒙從弟楚材見贈時却將入秦楚材適  
楚

朝為主人心夕作行客吟汝水忽淒咽汝風流苦  
音北關秦門高南路山一作楚石溪分淚洒白日離  
腸統青岑何以寄遠懷一作書黃鵠能相尋

荅姚憇見寄

日月不同光晝夜各有宜賢哲不苟合出處必待  
時而我獨迷見意求異士知如將舞鶴管誤向鶯

鳬吹大雅難具陳正聲易漂淪君有丈夫淚泣人  
不泣身行吟楚山下

一作王

義淚沾衣巾

### 答盧仝

楚屈入水死詩孟蹈雪僵直氣苟有存死亦何所  
妨日劈高查牙清稜含冰漿前古後古冰與山氣  
勢強悶怪千石形異狀安可量有時春鏡破百道  
聲飛揚潛仙不足言朗客無異腸為君傾海宇日  
夕多文章天下豈無緣此山雪昂藏煩君前致詞  
哀我老更狂七歌不及狂歌聲綠鳳皇鳳兮何當  
來消我孤直瘡君文真鳳聲宣溢滿鏗鏘洛友零

落盡速茲悲重傷獨自奮異骨將駢白一作玉角翔  
再三勸莫行寒氣有刀槍仰懇君子多慎勿作芬  
芳

酬友人見寄新文

為客接未定况當玄月中繁雲翳碧霄落雪和清  
風郊陌絕行人原隰多飛蓬耕牛返村巷野鳥依  
房櫳我無飢凍憂身託蓮花宮安閑賴禪伯復得  
疏塵蒙覽君郢曲文詞彩何冲融謳吟不能已頓  
覺形神空

答友人



白日照清水淺溪無隱姿君子業高文懷抱多正  
思砥行碧山石結交青松枝碧山無轉易青松難  
傾移落々山俗韻琅々大雅詞自非隋氏掌明月  
安能持千里不可倒一逆無近期一作一別如何  
非意中良覲忽在茲道語必踈淡儒風易凌遲願  
存堅貞節勿謂霜霰欺

答書上人止說作

烈々鸞鸞吟鏗々琅玕音梟摧明月嘯鶴起清風  
心渭水不可湮涇流徒相侵俗侶唱桃李一作隱仙  
士鳴桂琴子野真遺却浮淺藏淵溪

獻襄陽于大夫 以下贈寄

襄陽青山郭漢江白銅堤謝公領茲郡山水無塵  
泥鐵馬萬霜雪絳旗千虹霓風漪參差泛石坂重  
疊躋舊溪不復墮新歡居然齊還耕竟原野歸老  
相扶携物色增暖日寒芳更萋萋洲清有遐畧高  
躡無近蹊一作衆賦無畧掠與歌有安條即此富蒼翠自然引翔  
棲衆遊常抱憶風好今尚睽願言從逸轡暇日凌  
清溪

獻漢南樊尚書

天下昔崩亂大君識賢臣衆木盡搖落始見竹色

真兵勢走山嶽陽光潛埃塵心開玄女符面縛清  
波人異俗既從化澆風亦歸淳自公理斯郡寒谷  
皆變春旗影卷赤電劍鋒匣青鱗何如嵩高氣作  
鎮楚水濱雲鏡忽開霽孤光射無垠乃知尋常鑒  
照影不照神

擢第後東歸書懷獻座主呂侍御

昔歲辭親淚余為戀主泣去住情難並別離景易  
戢夭矯大空鱗曾為小泉蟄幽意獨沉時震雷忍  
相及神行既不率直致非所執至運本遺功輕生  
各一作苦自立大君思此化良佐自然集寶鏡無私

光時文有新習慈親誠志就賤子歸情急擢第謝  
靈臺章衣一作名出皇邑行襟海日曙逸抱江風入  
蒹葭得波浪芙蓉紅岸濕雲寺勢動搖山鐘韻噓  
吸舊遊期再踐懸水得重挹松蘿雖可居青紫終  
當拾

新卜青蘿幽居奉獻陸大夫

黔婁住何處仁邑無饑寒豈悟鴛鴦羈旅變為新閑  
安二頃有餘食三農行可觀籠禽得高巢歟謝遂  
層瀾翳二桑柘墟紛二田里歛兵戈忽消散耦耕  
非艱難嘉禾偶良酌芳陰庇清彈力農唯一事趣

世徒萬端靜覺本相厚動為末所殘此外有餘暇  
鋤荒出幽蘭

上張徐州

為水不入海安得浮天波為木不在山安得橫日  
柯再來君子傍始覺精義多一作多大德唯一施衆  
情自徧頗至樂無一作變宮徵至聲遺謳歌願鼓空  
桑絲永使萬物和顧已誠拙訥干名已蹉跎獻詞  
惟在口所欲無餘它昨作交泉石今作翳松蘿一  
不改方圓破質為琢磨賤子本如此大賢心若何  
豈是無異途異途難經過

唐詩新集  
卷之八  
答韓愈李觀別因獻張徐州

富別愁在顏  
貧別愁銷骨  
懶磨舊銅鏡  
畏見新白髮  
古樹春無花  
子規啼有血  
離絃不堪聽  
一聽四  
五絕  
世途非一險  
俗慮有千結  
有客步大方  
驅車  
獨迷轍  
故人韓與李  
逸翰凌皎潔  
哀我摧折歸  
贈  
詞縱橫  
設徐方  
國東樞  
元戎天下傑  
禍生投刺遊  
王粲吟詩  
謂高情無遺  
照朗抱開  
曉月有土不埋  
冤有孽  
皆為雪  
願為直  
草木永向君  
地列願為古  
琴瑟永向君  
聽發欲識  
丈夫心  
曾將孤劍說

上河陽李大夫

上將乘神畧至兵無猛威三軍當嚴冬一撫勝重  
衣霜劍奪衆景星夜失長輝蒼鷹獨立時惡馬不  
敢飛武牢鎖天關河橋紐地機大軍奚以安守此  
稱者稀資士少顏色貴門多輕肥試登山嶽高方  
見草木微山嶽恩既廣草木心皆歸

上包祭酒

嶽、冠蓋彥英、文字雄瓊音獨聽時塵韻固不  
同春雲生紙上秋濤起胸中時吟五君詠再舉七  
子風何幸松桂侶見知勤苦功願將黃鶴翅一借  
飛雲空

上達奚舍人

北山少日月草木苦風霜  
貧士在重坎食梅有酸  
腸萬俗皆走圓一身一作心  
猶學方常恐聚毀至春  
葉成秋黃大賢秉高鑒  
公燭無私光暗室曉未及  
此吟涕空行

投所知

苦心知苦節不容一毛髮  
鍊金索繫貞沈玉求明  
潔自慙所業微功用如鳩拙  
何殊嫫母顏對彼寒  
塘月君存古人心道出古人轍  
盡美固可揚片善  
亦不遇朝回公卿說暮向公卿說  
誰謂黃鐘管化



為君子舌一說清嶰竹二說變嶰谷三說四說時  
寒花折寒木曠々家道路燦々我衣服豈直輝友  
朋亦用慰骨肉一暖荷正素一飽荷升粟而況大  
恩々此身報得足且將食藥勞酬之作金刀

鷗路溪行呈陸中丞

鷗路不可越三十六渡溪有物飲碧水高林挂青  
蜺歷覽道更陰驅使跡頻睽視聽易常主心魂互  
相迷浪石忽搖動沙堤信難躋危峰紫霄外古木  
浮雲齊出阻望汝郡大賢多招携疲馬戀舊秣  
禽思故棲應憐泣楚玉棄置如塵泥

抒情因上郎中二十二叔監察十五叔兼呈

李益端公柳鎮評事

方憑指下絃，寫出心中言。  
寸草賤子命，高山主人恩。  
遊遙風沙意，夢楚波濤魂。  
一日引別袂，九迴沾淚痕。  
自悲何以然，在禮闕晨昏。  
名利時轉甚，是非宵亦喧。  
浮情少定主，百慮隨世翻。  
舉此胸臆恨，幸從賢哲論。  
明<sub>七</sub>三飛鸞<sub>一作步兵與</sub>照物如朝暎。

西齋養病夜懷有感因呈上從叔子雲

遠客夜衣薄，厭眠待雞鳴。  
一牀空月色，四壁秋聲。  
守淡遺衆俗，養病念餘生。  
方全君子拙，耻學小

碩鼠既穿墉又嚙機上絲穿墉有土一作閭餘嚙絲

無餘衣朝吟枯桑拓暮位穿杼機豈是無巧妙絲

斷將何施衆人尚肥華志士多饑羸願君保此節

一作碩鼠天意當察微右二詩一

前日遠別離今日生白髮欲知萬里情晚卧半床

月常恐百虫秋使我芳草歇

### 贈蘓州韋郎中使君

謝客吟一聲霜落群聽清文含元氣柔鼓動萬物

輕嘉木依性植曲枝亦不生塵埃徐廈詞金玉曹

劉名章句作雅正江山益鮮明萍蘋一浪草菰蒲

片光榮曾是康樂詠如今寒其英顧惟菲薄質亦  
願將此并

贈萬年陸郎中

天子憂劇縣寄溪華省郎紛々風響珮蟄々劍開  
霜舊事笑堆案新聲唯雅章誰言百里才終作橫  
天梁江鴻承趾蒼雲津未能翔徘徊塵俗中短毳  
無輝光

嚴河南

赤令風骨峭語言清雪寒不必用雄威見者毛髮  
擗我有赤令心未得赤令官終朝衡門下忍志將

筑彈君從西省卽正有東洛觀洛民蕭條久威恩  
憫襁難苦竹聲嘯雪夜齊聞千竿詩人偶寄耳聽  
苦心多端多端落盃酒中  
方得歡隱士多飲酒  
此言信難刊取次令坊沽舉止務在寬何必紅燭  
嬌始言清宴闌丈夫莫矜莊矜莊不中看

古意贈梁肅補闕

曲木忌日影詭人畏賢明自然照燭間不受邪佞  
輕不有百煉火孰知寸金精金鉛正同一作在  
分精與麤

投贈張端公

卷之五  
君子量不極胸吞百川流  
嫉邪霜氣直問俗春辭  
柔日戶晝輝靜月杯夜景  
幽詠驚芙蓉發笑激風  
聽秋鸞步獨無侶鶴音仍  
寡傳幸沾分寸顧散此  
千萬憂

江邑春霖奉贈陳侍御

江上花木凍雨中零落春應由  
故忠直在此成漂  
淪嘉艷皆損污好音難殷勤  
天涯多遠恨雪涕盈  
芳辰坐哭青草上卧吟幽水濱  
興言念風俗得意  
唯波鱗枕席病流濕簷楹若飛  
津始知吳楚水不  
及京洛塵風浦蕩歸棹汎波  
陷征輪兩途日無遂

相贈唯沾巾

登華嚴寺樓望終南山贈林校書兄弟

地脊亞為崖聳出冥中樓根挿迥空殿翼翔危  
空前山胎元氣靈異生不窮勢吞萬象高秀奪五  
嶽雄一望俗慮醒再登仙願崇青蓮三居士畫景  
真賞同

桐廬山中贈李明府

靜境無濁氛清雨零碧雲千山不隱響一葉

聞即此佳志士精微誰相群欲識楚一作章

中蘭蓴蕙

贈李觀

觀初登第

誰言形影親燈滅影去身誰言魚水歡水竭魚枯  
一作鱗昔為同根客今為獨笑人捨予在泥轍飄  
跡上雲津卧木易成蠹棄花難再春何言對芳景  
愁望極蕭晨埋劍誰識氣匣絃日生塵願君語高  
風為余問蒼旻

贈鄭夫子魴

天地入胸臆吁嗟生風雷文章得其微物象由我  
裁宋玉逞大句李白飛狂才苟非聖賢心孰興造  
化該勉矣鄭夫子驪珠今始胎



贈崔純亮

食齋腸亦苦強歌聲無欲出門即有礙誰謂天地  
寬有礙非遇方長安大道傍小人智慮險平地生  
太行鏡破不改光蘭死不改香始知君子心交久  
道益彰君心與我懷離別俱迴遑譬如浸蘗泉流  
苦來日長忍泣日易衰忍憂形易傷項籍非不壯  
賈生非不良當其失意時涕泗各沾裳古人勸加  
餐此餐難自強一飯九祝噎一嗟十斷腸况是兒  
女怨氣凌彼蒼彼蒼昔有知白日下清霜今朝  
始驚嘆碧落空茫

贈章仇將軍

將軍不誇劍才氣為英雄五嶽拽力內百川傾意  
中本立誰敢拔飛文自難窮前時天地翻已有扶  
正功

贈主人

斗水涵大海不如鴻枯池分明賢達交豈顧豪華  
兒海有不足流豪有不足資枯鱗易為水貧士易  
為施韋觀君子席會將幽賤期側聞清風議飲如  
黃金危此道與日月同光無盡時

分水嶺別夜示從弟寂

南中少平地山水重疊生別泉萬餘曲迷舟獨難  
行四際亂峰合一眺千慮并潺湲冬夏冷光彩晝  
夜明賞心難久勝離腸忽自驚古木搖霽色高風  
動秋聲一作古木解爲  
葉迴風結秋聲飲爾一樽酒慰爾百憂輕  
嘉期何處定此晨堪寄情

吳安西館贈從弟楚客

蒙龍楊柳館中有南風生風生今為誰湘客多遠  
情孤枕楚水夢獨帆楚江程覺來殘恨深一作尚  
興歸路并玉匣五絃在請君時一鳴

贈道月上人

僧貌淨無點僧衣寧綴華尋常晝日行不使身影  
斜殷木煮松栢坐山數雲霞欲知禪隱高緝薜爲  
袈裟

贈文應上人

棲遲青山巔高靜身所便不踐有命草但飲無聲  
泉齊性空轉寂學情深更專經文開貝葉衣製垂  
秋蓮厭此俗人群暫來還却旋

戲贈無本二首

長安秋聲乾木葉相號悲瘦僧卧冰凌朔詠含金  
瘦金瘦非戰痕峭病方在茲詩骨撐東野詩濤湧

退之有時踉蹌行人驚鶴阿師可惜李杜死不見  
此狂癡

燕僧聳聰詞袈裟喜新翻北岳厭利殺玄功生微  
言天高亦可飛海廣亦可源文章香無底斷掘誰  
能根夢靈髻髻到匪我方輿論拾月鯨口噤何人  
免為吞燕僧擺造化萬有隨手奔補綴雜霞衣笑  
傲諸貴門將明文在身亦爾一作示道所存朔雪凝  
別句朔風飄征魂再期嵩山遊一訪蓬蘿村春草  
步綠春山日日暄遙鷺相應吟晚聰恐不繫相  
思塞心胸高逸難攀援

贈城郭道士

望裏失却山聽中遺却泉松枝休策雲藥囊翻貯  
錢曾依青桂隣學得白雲絃別來意未迴世上為  
隱仙

贈農人

勸爾勤耕田盈爾倉中粟勸爾伐桑株減爾身上  
服清霜一委地萬草色不綠狂飈一入林萬葉不  
著木青春如不耕何以自結束

大隱詠三首

崔從事鄖以直隸職

古人留清風千載遙贈君  
破松見貞心裂竹看直  
文殘月色不改高賢德  
常新家懷詩書富宅抱  
草木貧安得一蹄泉來  
化千尺鱗含意永不語  
釣璫幽水濱

章仇將軍良棄功守貧

飲君江海心詎誰一作能辨淺深  
挹君山嶽德誰能  
齊嶽岑東海精為月西嶽氣凝金  
進則萬景盡一作退則群物陰  
我欲薦此言天門峻沉沉  
風聽亦感激為我聽聽吟

趙記室倣在職撫事

卑靜身後老高動物先摧方圓水任器剛勁不成  
灰大道母群物達人腹泉才時吟堯舜篇心向無  
為開彼隱山萬曲我隱酒一杯公庭何所有日日  
清風來

魏博田興尚書聰嬭命不立非夫人詩

君子耽古禮如饒魚吞鉤昨聞敬嬭言掣心東北  
流魏博田尚書與禮相綢繆善詞聞天下一日一  
再周

喜符郎詩有天縱

念符不由級此得文章階白玉抽一毫綠珉已難



排偷筆作文章乞墨潛磨揩海鯨始生尾試擺蓬  
壺渦幸當禁止之勿使恣狂懷自悲無子嗟喜妬  
斐階

君子勿鬱士有謗毀者作詩以贈之二首  
君子勿鬱聽我青蠅歌人間少年地森聳山嶽  
多折輒不在道覆舟不在河須知一尺水日夜增  
高波叔孫毀仲尼滅倉掩孟軻蘭艾不同香自然  
難為和良田燒不熟直竹文不頗自古皆如此其  
如道在何

日往復不見秋堂暮仍學玄髮不知白曉入寒銅

覺為林末離樹有玉猶在璞誰把碧梧枝刻作雲  
門樂

寄盧虔使君

霜露再且換遊人猶未歸歲新月改色客久線斷  
衣有鶴冰在翅竟久力難飛千家舊業沼昨日生  
綠輝春色若不借一作可為君步芳菲

失意歸吳回寄東臺劉復侍御

自念西上身忽隨東歸風長安日下影又落江湖  
中離婁豈不明子野豈不聰至寶非眼別至音非  
耳通同緘俗外詞仰寄高天鴻

至孝義渡寄鄭軍事唐二十五

咫尺不得見心中空嗟。官街泥水溪下脚道路  
斜。嵩少玉峻。伊維碧華。岸亭當四迥。詩老獨  
一家。消叟何所如。鄭石唯有此。何當來說事。為君  
開流霞。

寄陝府鄧一作給事

陝城臨大道。館宇屹幾鮮。候謁隨芳一作語。鏗詞  
芬。蜀箋從來鏡。目下見盡道。心前自謂古。詩量異  
一作將新學。偏慙人年六十。每月請三千。不敢等  
閑用。願為長壽錢。非關亦潔爾。將以救羸然。孤省

凝眸上默吟寫錦、病書憑畫目驛信寄宵鞭疾  
訴將何諭肆鱗今倒懸塵鯉見枯浪土鬣思乾泉  
感、無緒蕩愁、作遠貞元文祭酒公即陽比謹學  
韋玄端坐無風雜常朝雅獨全見知囑徐獯即徐  
賞句類陶淵一顧生鴻羽再言將鶴翩宣揚隘車  
馬君子湊駢閭曾是此同瞻至今應賜憐磨墨零  
落淚楷字貢仁賢

寄崔純亮

百川有餘水大海無滿波器量各相懸賢愚不同  
科群辨有姿語衆歡無一作有行歌唯餘洛陽子鬱

鬱恨常多時讀過秦篇為君涕滂沱

寄張籍

夜鏡不照物朝光何時昇  
黯然秋氣來走入志士  
膚志士惜時逝一宵三四興  
清漢徒自朗濁河終  
無澄舊愛忽已遠新愁坐相凌  
君其隱壯懷我亦  
逃名稱古人貴從晦  
君子志黨朋傾敗生所競保  
全歸情一作若浮雲何當來  
潛乳會飛騰

寄院中諸公

奕々秋水傍駸々綠雲躡  
月仙有高曜靈鳳無卑  
棲翠色遠雲谷碧華凝月  
溪竹林逋歷覽雲寺行

攀躋冠豸猶屈蠖匣龍期剗犀千山驚月曉百里  
聞霜聲戎府多秀異謝公期相携因之仰群彥養  
拙固難齊

舟中喜遇從叔簡別後寄上時從叔初擢第  
歸江南郊不從行

一意西片雲暫合還却分南雲乘慶歸北雲與誰  
群寄聲千里風相喚聞不聞

送諫議十六叔至孝義渡後奉寄

曉渡明鏡中霞衣相飄飄浪鳧驚亦獲蓬客將誰  
僚別飲孤易醒離憂壯難銷文情雖無敵儒貴不

敢驕江吏捧紫泥海旗剪紅蕉分明太守禮跨蹕  
毘陵橋伊洛去未迴曠空寂寥

宿空姪院寄澹公

夜坐冷竹聲二三高人語燈窓看律鈔小師別為  
侶雪簷晴滴<sub>上</sub>茗碗華舉<sub>上</sub>磬音多風颺聲韻聞  
江楚官街不相隔詩思空愁予明日策杖歸去住  
兩延佇

寄義興小女子

江南莊宅淺所固唯疎籬小女未解行酒第<sub>一作病叔</sub>  
老更癡家中多吳語教爾遙可知山怪夜動門水

妖時弄池所憂癡酒腸不解委曲辭漁妾性崛強  
耕童手敍勞想茲為襁褓如鳥拾柴枝我詠元魯  
山胸臆流甘滋終常學自乳起坐常相隨

汴州離亂後憶韓愈李翱

會合一時哭別離三斷腸殘花不待風春盡各飛  
揚懽去收不得悲來難自防孤門清館夜獨卧明  
月牀忠直血白刃道路聲蒼黃食恩三千客一旦  
為豺狼海島士皆直夷門士非良人心既不類天  
道久反常自殺與彼一作被殺未知何者滅

春夜憶蕭子真



半夜不成寐燈盡又無月獨向堦前立子規啼不  
歇況我有金蘭忽爾為胡越爭得明鏡中久長無  
白髮

憶周秀才素上人時各在一方

東西分我情魂夢安能定  
野客雲作心高僧月為  
性浮雲自高閒明月常空淨  
衣敝得古風居山無  
俗病吟聽碧雲語手把青松柄  
羨爾欲寄書飛禽  
杳難倩

獨宿峴首憶長安故人

月迥無隱物況復大江秋  
江城與沙村人語風颼

颺峴亭當此時故人不同遊故人在長安亦可將  
夢求

憶江南弟

白首眼垂血望爾唯夢中筋力強起時魂魄猶在  
東眼光寄明星起來東望空望空不見人江海波  
無窮衰老無氣力呼呌不成風孑然憶言落地  
何由通常師共被教竟作生離翁生離不可訴上  
天何曾聽未忍對松柏自鞭殘朽躬自鞭亦何益  
知教非所崇努力拄杖來餘活與爾同不然死後  
耻遺死必有終

讀張碧集

天寶太白歿六義已消歇大哉國風本喪而玉澤  
竭先生今復生斯文信難缺下筆證興亡陳詞脩  
風骨高秋數奏琴澄潭一輪月誰作採詩官忍之  
一作不揮發

